



UNIVERSITÄTS-  
BIBLIOTHEK  
PADERBORN

## **Repetitio Clem. I. Ut Clericorum De Officio Ordinarii**

**Aufréri, Étienne**

**Leodii, 1702**

30. Fallentia.

---

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

## 288 DE POTESTAT. SECUL

*brica. de judi. decis. 5.* Curator autem generalis ad lites eidem clerico per suum competentem judicem dabitur secundum doct. præallega.

## 30. Fallentia.

In præsentî regno, ubi Ecclesiastica potestas abutitur notoriè sua jurisdictione vel potestate. Quo casu etiam contra clericos concedi solent per cancellariam litteræ in casu appelli ( ab abusu notorio vulgariter nuncupatæ ) de quibus sæpenumero dubitavi, ubi fundari poterant in jure. Audivi tamen frequenter officarios pro hoc dicere esse bonum tex. *in cap. filijs vel nepotibus. 16 questio 7.* Quibus ergo respondi dictum canonem esse correctum, ut tenet Sicul. in cap. qualiter de judi. sed ulterius mihi allegaverunt Regiam majestatem ad hoc inter alia fuisse institutam, ut ministros ecclesiæ id est viros Ecclesiasticos protegat. Cum boni Regis sit tueri Ecclesiam & personas ecclesiasticas, unde dicit tex. 96 *distinet Boni Principis est, ac religiosi ecclesias contritas atque concisas restaurare, novasque ædificare, ut Dei sacerdotes honorare ac tueri. & 23 questio. 8. cap. tributum. ibi,* quia nos tueri & defendere deberent, & *cap. principes. 23 questio. 5. ibi cognoscant sæculi principes se esse rationem reddituros propter Ecclesiam quam tuendam suscipiunt, & 23 questio. 3. cap. Maximianus & 2. cap. sequen. & II questio. 1. Christianis,* dum Gelafius Papa Zeie committi ait, Clericos tibi commendo tuæ sublimitatis tuitione vellentur, ne quid illis aut surreptio aut inimica legibus violentia necessitatis imponat, dicit etiam *tex. 23 questio 5.*

Administratores planè sæcularium dignitatum qui  
ed

ad ecclesiarum tuitionem pupillorum ac viduarum protectionem rapaciumque refrenationem constituti proculdubio esse debent quoties ab Episcopis & ecclesiasticis viris conventæ fuerint eorum querimonias attentius audient secundum quod necessitas expetierit, absque negligentia examinent & studio diligenti corrigant, facit tex. *in cap. Imperatoribus* ubi dicit per Imperatorem obviandum perversis, & pauperes defendi adversus potentias divitum, alioquin qui potest perturbare perversos, & eis obviare & non facit, nihil aliud est quam favere impietati eorum. *cap. qui potest. ca. causa. & quest.*

Insuper Regum est officium proprium facere iudicium atque iusticiam, & liberare de manu calumniarum vi oppressos ut *in cap. Regum. 23 qu. 5.* Præterea Archiep. notoria crimina subditorum suorum sui Suffraganei visitando punire potest ratione hujus notorietatis quod alias facere non posset, ut *in cap. romana §. sanè de cens. lib. 6. & fa. cap. romana. de pen. ee. lib.*

Allegant insuper quod Regia potestas ad id etiam sit instituta, ut sanctorum antiquorumque Patrum decreta saluberrima Spiritu Dei promulgata exequi faciat, & inviolabiter observari *in authen. quo. oport. Episcop. in princip. col. 1. & in l. fi. C. de Sum. Trini.* & multas alias rationes pro se soliti sunt allegare. Nunquam tamen audivi neque vidi nisi semel, quod super meritis hujusmodi causarum appellationum fuerit pronunciatum, sed duntaxat vel appellationes annullari, aut quod appellantes non erant, ut appellantes recipiendi, quia à iudice spirituali non est ad sæcularem iudicem appellandum.

Fal-